

samen hern prior unde capitele unses closters unde er Iohan Hordorpe ergenante vol unde all to holdende ane ienigheclye argelist hindernisse unde vortoch. Des to eyner bekentnisse so hebbe we unse ingesegel wittliken henghen laten an dussen brieff in dem iare und dage also hir nach geschreven steidt. Vnde ick Iohannes Hordorp ergenante bekenne dat alle dusse vorgeschrevene stücke midt meynem willen wittschop unnde vulburth gescheen sint. Des to eyner bekentnisse so hebbe ick myn ingesiegel wittlicken gehenget an dussen bref negest des erwirdigen hern, mynes hern von Berge, ingesegel ergenant. Na goddes bort durent iar vierhundert iar darna in dem sewen unde vertigsten iare des fridages nach dem sundage Iubilate.

*Abschrift im Privilegienbuche S. 272—275 mit der Ueberschrift: Ottersleve III talenta et VIII solidi. J III.*

1447, Mai 5.

290.

*Heinrich, Abt zu Berge, beurkundet, dass Johann von Hordorf, Stiftsherr zu S. Nicolai in Magdeburg, eine halbe Mark jährlicher Zinsen aus Klein-Ottersleben mit der Bestimmung verehrt habe, dass der Abt sich verpflichtet, aus den Einkünften der Abtei alle Jahr dem Convent eine gleiche Summe zu Seelmessen für den Geschenkgeber, seine Eltern und seine Freunde zu entrichten.*

Wyr Hinrich Mosekaw von der gnaden gottes abbet des closters to Berge vor Magdeburg bekennen apenbar in dussem open breve vor allen de eenn seen oder horen lesen, dat de ersame er Iohann Hordorp, canonik in sinte Nicolaus karke to Magdeburg, bi uns gekoft heft an wissen renthen unde tinsen in dem dorpe to lütken Ottersleve eine halve margk geldes Magdeburgischer werunge iarlikes tinses, de we oder unse nakommelinghe alle iar geven und betalen schullen up osteren dem erhaftigenn hern den priori unde capittel unses closters vorbenomet uth unsern gudern unde tinsen, de we hebben und dar horen to unser ebdiem. Van desser vorgeschreven halve margk geldes schullen de ergenanten hern prior und capittel alle iar beghan unde beghan lathenn de dechnisse Hans Hordorpes, de ern Iohann Hordorpes vater gewest is, Ermgarden syner moder, Arendt Haldelesleve, Sebastian Weddigen und dergennen, de em bevalen syn, met viligien und met selemessen, also dat in unser kerken eine wonheit is. Were ok das er Iohan Hordorp von todes wegen afgenghe, so scullen we oder unse nakommelinghe on von stundt beghan laten in unser kerken met viligien unde met selemessen unde geven den hern eyne halve margk to char to der begegnisse. Dar negest schulle we oder unse nakommelinghe syne iarthit schripen laten ene vort mehr alle ihar beghan met synen eldern unnde frunden in aller wise also vorgeschreven steidt. Des to eyner bekentnisse unde wissenheit vul und all tho holdenn so hebbe ick Hinrick Mosekaw abbet vorbenomet vor mick unde von myner nakommelinghe